

## Carta kuu uu n-kidava'a Sua

*Xa kuu xandaa. Io xajuemani tna'a-ro*

<sup>1</sup> Sexa'nu kuu-da. Kidava'a-da nuu mee-n, ñadi'i n-ja'an ña'a Ianyuux xa kunduu-n xi'in mee-ia. Kidava'a-da nuu ntdaa da'ya-n tuku. Ndaa xa xemani ña'a-da. Ná xemani ña'a mee-da, da xemani ña'a ntdaa ñayiu n-ka xeka va'a xa kuu xandaa. <sup>2</sup> Du'a kuu xaxe'e xa kunduu xa kuu xandaa xi'in-ro vitna, te kunduu na'i xa kuu xandaa xi'in-ro kuia ma jin ndi'i. <sup>3</sup> Na taxi ka Taa-ro Ianyuux xamani-ia nuu-n. Xi'in Xto'o-ro Jesucristu, Da'ya Yí-i-ia, na taxi-ia xamani-ia nuu-n, te na kundai ini ña'a-ia mee-n, te kada-ia xa kutuu va'a-n. Du'a koo xaxe'e xa kunduu-n xi'in xa kuu xandaa, te xaxe'e xa xemani-n Ianyuux xi'in ñayiu.

<sup>4</sup> Yo n-kuvete-da hora n-nanitna'a-da xi'in da'ya-n. Dava-i, xá n-ka xeka va'a-i xa kuu xandaa. Ná n-ta'u tniu ña'a Taa-ro Ianyuux mee-ro, du'a ka kida-i. <sup>5</sup> Ñadi'i va'a, ñatu kidava'a-da iin tnu'u xee. Kidava'a-da tnu'u ta'u tniu n-tnii-ro, hora n-ka kixe'e-ro xa kunduu-ro xi'in Cristu. Xijan-da xa juemani tna'a-ro. <sup>6</sup> Nux ja'an-ro xa xemani-ro Ianyuux, io xa jandixa-ro tnu'u ta'u tniu-ia. Te xa'a kuu xa n-ta'u tniu ña'a-ia. Ná n-ka teku-n ki'na nuu, dani kuu. Io xa juemani tna'a-ro.

*Se danda'u ñayiu ka kuu-s*

<sup>7</sup> Ñuñayiu xndaxio kue'e se danda'u ñayiu. Ñatu ka jandixa-s xa Jesús kuu Cristu, Ia kuu Da'ya Yí-i Ianyuux, te diuni kuu-ia Se kuu ñani tna'a xi'in ñayiu. Se ijan, ka danda'u-s ñayiu. Ka kidatniu-s

xa danaa-s ntdaa xa n-kida Cristu. Anticristu ka kuu-s. <sup>8</sup> Koo koio-n cuedado. Maxku dakuita koio-n xa n-kida-n. Kadatniu koio ka-n, xa tnii koio-n ntdaa xa taxi Ianyuux.

<sup>9</sup> Iin ñayiu, nux kueka va'a-i xa dakua'a ña'a se ijan, du'a dandoo-i tnu'u n-dakua'a ña'a Cristu. Nux du'a kuu, kuu xa n-dandoo-i Ianyuux. Nux neva'a iin ñayiu tnu'u Cristu xa jandixa na'i-i-ia, du'a kunduu-i xi'in Taa-ro Ianyuux, te kunduu-i xi'in Da'ya Yii-ia tuku. <sup>10</sup> Nux xee iin seyii ve'e-n, xa dakua'a ña'a-s inka tnu'u, tnu'u ña kuu tnu'u Cristu, te maxku kueka va'a-n-si, maxku ja'an-n xanyuux nuu-s. <sup>11</sup> Nux ja'an-n xanyuux nuu-s, kuu ná kuu xa kunduu mee-n xi'in mee-s, kuu xa chindee-n-si xa kada ka-s kuechi nuu ñayiu.

### *Idinga tnu'u*

<sup>12</sup> Io kue'e ka tnu'u juini-da xa ja'an-da, ko ña juini-da xa kadava'a-da tnu'u jan. Juini-da xa kotonii'ni ña'a-da, xa nanitna'a nuu-ro. Du'a kuvete ka-ro, ntdaa-ro.

<sup>13</sup> Xá n-ja'an Ianyuux ku'u-n, xa mee-ña tuku kunduu-ña xi'in-ia. Ka tunda'a da'ya-ña xanyuux nuu-n. Du'a na koo.

**Tnu'u va'a tnu'u Jesucristo  
New Testament in Mixtec, Diuxi-tilantongo  
(MX:xtd:Mixtec, Diuxi-tilantongo)**

copyright © 2001 Wycliffe Bible Translators, Inc.

Language: Mixtec, Diuxi-tilantongo

Translation by: Wycliffe Bible Translators, Inc.

Mixteco, Diuxi y Tilantongo [xtd], Mexico

**Copyright Information**

© 2001, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Mixtec, Diuxi-tilantongo

**© 2001, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022

601f9a87-70f6-56f7-8175-fc2dac9c9f9a